

Rasulullah pembawa rahmat seluruh alam



Bersama
Prof Dr Taufiq
Yap Yun Hin

mereka menolak ajaran 'agama' dan hanya menerima kehidupan dunia kebendaan semata-mata memenuhi keperluan tubuh.

Akibatnya, ia meninggalkan jiwa yang terseksa. Islam yang dibawa Nabi Muhammad SAW memastikan keseimbangan dalam jasad dan roh.

Nabi Muhammad juga membentangkan kepada dunia satu model persaudaraan sempurna. Baginda mengajar tiada bangsa yang lebih unggul daripada yang lain.

Semuanya sama dan perlu menunaikan tanggungjawab dan hak masing-masing. Tahap keimanan dan ketakwaan seseorang adalah satu-satunya kriteria utama.

Allah SWT berfirman yang bermaksud: "Wahai

umat manusia! Sesungguhnya Kami menciptakan kamu daripada lelaki dan perempuan, dan Kami menjadikan kamu berbagai bangsa dan bersuku puak, supaya kamu berkenal-kenalan (dan beramah mesra antara satu dengan yang lain). Sesungguhnya semulia-mulia kamu di sisi Allah ialah orang yang lebih takwanya di antara kamu, (bukan yang lebih baik keturunan atau bangsanya). Sesungguhnya Allah Maha Mengetahui, lagi Maha Mendalam Pengetahuannya (akan keadaan dan amalan kamu)." (Surah al-Hujurat, ayat 13)

Sahabat baginda diberi peluang sama rata untuk berbakti kepada agama. Antaranya Suhaib Ar-Rumi, seorang dari Bizantin,

Bilal bin Rabah (Afrika) dan Salman Al-Farisi (Parsi) dan beberapa individu orang bukan Arab lain.

Nabi SAW meletakkan keadilan untuk semua seperti mana sabdanya yang bermaksud: "Wahai manusia! Sesungguhnya Tuhan kamu sama, bapa kamu sama (Adam). Ketahuilah! Tiada kelebihan orang Arab ke atas 'ajam (yang bukan arab), atau 'ajam ke atas Arab, atau yang berkulit merah ke atas yang berkulit hitam, atau yang berkulit hitam ke atas yang berkulit merah melainkan ketakwaan." (Riwayat Ahmad dan al-Baihaqi).

Dalam satu hadis seperti mana dirakamkan dalam sahih Muslim, ketika musuh sedang meningkatkan penganiayaan mereka ke atas orang

Islam, para sahabat meminta Nabi SAW melaknat dan mengutuk mereka.

Nabi SAW menjawab: "Sesungguhnya aku tidaklah diutus sebagai pelaknat, sesungguhnya aku diutus hanya sebagai rahmat." Walaupun musuh Nabi SAW melayan baginda dan sahabat dengan kejam dan tidak adil, Nabi SAW tetap mendoakan mereka.

Begitu juga peristiwa nabi dibaling batu oleh masyarakat Taif ketika menyampaikan risalah Islam perlu menjadi pengajaran buat kita.

Walaupun berdarah akibat dibaling batu, Nabi SAW tidak bertindak balas, malah memaafkan perbuatan mereka kerana beranggapan mereka tidak tahu atau faham.

Malah, nabi SAW mendoakan supaya Allah SWT menurunkan hidayah buat mereka. Nabi SAW membina kehidupannya sendiri tanpa memberi masalah kepada sesiapa pun.

Allah SWT berfirman yang bermaksud: "Dan kami tidak mengutus kamu (wahai Muhammad) melainkan sebagai rahmat bagi sekalian alam." (Surah al-Anbiya', ayat 107)

Rahmat Allah bukan hanya untuk orang Islam, tetapi kepada mereka yang bukan Islam, termasuk tumbuhan, haiwan dan semua makhluk.

Penulis ialah Presiden Persatuan Cina Muslim Malaysia (MACMA), dan profesor di Universiti Putra Malaysia (UPM)

Nabi Muhammad SAW menyampaikan ajaran agama bersesuaian dengan sifat manusia. Ini termasuk memenuhi keperluan jiwa dan tubuh manusia di samping mewujudkan keseimbangan antara amalan duniawi dengan apa yang dilakukannya untuk akhirat.

Islam mendidik naluri dan keinginan manusia tanpa menghalang mereka sepenuhnya. Tidak seperti dalam ajaran lain yang bertentangan dengan sifat manusia seperti menafikan hak lelaki 'alim' berkahwin.

Perkara itu menyebabkan